

Corona en Vastelaovend 2020-2021 in 't Habberiek



Beste Habbe en Habbinne,

Gaer heije weej in deezen tiëd positieve berichtgaevinge gedaon uvver de veurbereidinge in de aanlaup nao 't kommend Vastelaovesseizoen. Jammergenog lik det vanwege de aanhaojende impact van 't coronavirus anders.

Gister, 28 september hebbe weej same mèt alle collega Vastelaovesvereniginge oët Peel en Maas en met burgemèster Delissen-van Tongerlo uvverleg gehad, en gezamenlijk 't besloët genomme òm as vereniginge gènne georganiseerde Vastelaovend te haoje 't kommend seizoen.

Dit besloët vèlt os zwaor. Mâr zoë-as weej in 'n iërdere communicatie al heije gemeld stèt de gezonkheid vûrop. Daobeej gèt de essentie en bedoeling van alle aktiviteite in vuül gevalle verlóre mètte aanpassinge die weej motte doön òm aan alle maatregele te kènne voldoön.

In 'n iërdere communicatie hebbe weej uch al geïnformeerd uvver aktiviteite die dit jaor oppe agenda stonge; gèn seizoenseupening, gènne liedjesaovend, en gènne nieje Prins. Jammergenog is d'r gèn perspectief op serieuze positieve ontwikkelinge van de maatregele op korte termien. Daaröm hebbe weej dit nouw helaas môtte oëtbreide mèt gèn inkele georganiseerde aktiviteit vur 't seizoen 2020-2021. Wal zal de traditionele Rally daorgaon, waarvan de organisatie al in 'n vergevorderd stadium is òm dees aktiviteit op 'n verantwoorde coronaproof manier te laote verlaupe. Heejeuver binnekort miër informatie, en weej hope - al is 't op 'n alternatieve manier - wèr 'n schoën aantal equipes te moge verwelkome.

Op [11-11 2021](#) hope weej d'n draod wèr op te kènne pakke zoë-as geej van ôs gewend ziet. In d'n tössetiëd zalle weej de ontwikkelinge qua maatregele in de gate haoje en pörbere - waar meugelik - op alternatieve manier invulling en aandacht te gaeve aan ôzze schoëne Britse Vastelaovend.

Bliëf gezônk!

Names Besteur C.V. D'n Hab,



Paul Bouten
President CV D'n Hab